



Broj: T01 0 KTPO 0042941 24
Bihać, 22.10.2024. godine.

OPĆINSKOM SUDU U SANSKOM MOSTU

Na osnovu člana 45. stav 2. tačka i) i člana 241. stav 1. ZKP FBiH, p o d i ž e m

OPTUŽNICU

PROTIV:

- 1. DELALIĆ AZRE**
- 2. HASIĆ DŽEVIDE**
- 3. DELIĆ ASMIRE**

Da su: Delalić Azra

Tokom školske 2022. godine i u prvoj polovini školske 2023. godine, u Sanskom Mostu, kao odgovorna osoba direktor JU OŠ „5. Oktobar“ Sanski Most, svjesna da u vršenju dužnosti očigledno nesavjesno postupa, što je i htjela, te svjesna da takvim postupanjem može teže povrijediti prava drugog, ali je olako držala da neće doći to teže povrede prava mlđb (...), pošto su oštećeni mlđb (...) učiteljici Delalić Asmiri, pedagogu Hasić Dževidi i njoj lično, te njegov otac (...) školi uputio više prijava da je oštećeni mlđb (...) žrtva vršnjačkog nasilja, da ga drugi učenici vrijeđaju, psuju te i fizički napadaju, nije pridavala značaju prijavama te ih ignorisala, odnosno nije preduzela mjere i radnje kako bi se nasilje zaustavilo, te suprotno članu 3 Protokola o postupanju u slučaju nasilja koje uključuje djecu (Sl. Glasnik USK broj: 35/18) kojim je propisano da je, u slučaju prijave nasilja ili dojave o nasilju u koje su uključena djeca, škola dužna imenovati odgovornu stručnu osobu za koordiniranje aktivnosti u vezi problematikom nasilja u odgojno-obrazovnoj ustanovi i osobu koja je u slučaju njene odsutnosti zamjenjuje, kako bi to lice preduzimalo mjere i radnje propisane u istom članu u tačkama a) do k), nije imenovala stručnu osobu za koordiniranje aktivnosti u situaciji kada u školi postoji nasilje koje uključuje djecu, te suprotno dužnosti iz člana 17 stav 1 tačka a) istog protokola, kojim je propisano između ostalog dužnost direktora da obavezno učestvuje u proceduri kada je u pitanju nasilje nad učenicima, prijavljivanje nasilja, te praćenje i vrednovanje poduzetih mjera u zaštiti učenika, nije se uključila u proces rješavanja problema nasilja nad mlđb. (...) kad je školi prijavljen fizički napad od strane više učenika 12.10.2022. godine nakon časa fizičkog vaspitanja, u školskom dvorištu i na putu do kuće, gdje je oštećenog mlđb. (...) fizički napalo 4-5 učenika i udaralo ga rukama i nogama po tijelu, koji sukob je zaustavio slučajni prolaznik Z. S., što je dovelo do ponovnog i učestalog nasilja nad oštećenim mlđb. (...) od strane njegovih vršnjaka u vidu vrijeđanja, psovanja i drugog psihičkog maltretiranja i kod oštećenog dovelo do narušavanja psihičkog zdravlja i duševnih patnji, te usled ovakvog nesavjesnog postupanja i do teže povrede njegovih prava kao djeteta iz člana 19 Konvencije o pravima djeteta kojim je predviđeno između ostalog da se dijete mora zaštititi od svakog vida fizičkog, ili mentalnog nasilja, povrede ili zlostavljanja.

Dakle, kao odgovorna osoba u Federaciji, povredom drugog propisa očito nesavjesno postupila u vršenju dužnosti zbog čega je teže povrijedila pravo drugog.

Delalić Azra, Hasić Dževida i Delić Asmira;

Tokom školske 2022. godine i u prvoj polovini školske 2023. godine, u Sanskom Mostu, kao odgovorne osobe na radu u ustanovama za odgoj maloljetnika JU OŠ 5. Oktobar Sanski Most, i to Delalić Azra direktor škole, Hasić Dževida pedagog škole i Delić Asmira učiteljica u školi, svjesne da u svom radu očigledno nesavjesno postupaju, što su i htjele, te svjesne da takvim postupanjem mogu teško ugroziti zdravlje mlđb. (...) ali olako držeći da neće doći do ugrožavanja zdravlje oštećenog mlđb. (...), pošto im je učenik škole oštećeni mlđb. (...) prijavljivao da ga drugi učenici vrijeđaju, te ga fizički napadaju, istog najmanje 6 puta odvodile u prostorije biblioteke za vrijeme nastave i ispitivale o tim događajima, od čega su dva puta zaključavale prostorije biblioteke, a ta ispitivanja su trajala od sat do sati i po vremena, prilikom kojih su galamile na oštećenog, govorile mu da je on uzrok problema koje ima sa drugim učenicima, te da će dobiti ukor i biti izbačen iz škole, te da on i njegov otac uništavaju ugled škole i grada, pa kada im je oštećeni mlđb. (...) govorio da prestanu sa galamom na njega jer više ne može to da izdrži, ignorisale njegove molbe i nastavljale galamiti na njega i govoriti da učenici koji su ga napadali nisu krivi već da je on isključivo kriv za sve probleme, zbog čega je oštećeni imao gušenje i kašalj, te se tresao, da bi, povodom fizičkog sukoba između oštećenog mlđb. (...) i mlđb. (...) u dvorištu škole, osumnjičena Asmira Delić rekla učenicima starijih razreda „vodite ovog (...) u razred“, što su oni i učinili, a potom pozvala Delalić Azru i Hasić Dževidu, nakon čega su sve tri zajedno otišle u učionicu gdje je bio mlđb. (...) i tom prilikom mu je direktorica Delalić Azra rekla „Šta je bilo (...)“, a pedagog Hasić Dževida „Šta si sad napravio (...), koji si ti problem ovoj školi“ te mu stavila ruku na rame i stiskala ga te mu rekla „Ako budeš dobar i ako ne budeš pravio probleme i ti ćeš ići na ekskurziju“, i to sve u prisustvu drugih učenika, što je kod oštećenog (...) izazvalo napad panike i gušenja, te klecanje nogu, zbog čega je oštećeni (...) usled čestog i kontinuiranog zlostavljanja od strane osumnjičenih i izloženosti vršnjačkom nasilju zadobio duševne patnje jakog inteziteta i produženog trajanja-traumatizaciji koje su uslovile reakcije na težak stres i poremećaj prilagođavanja, sa izrazitim padom emocionalnih, vitalnih i mentalnih snaga – F43, koje zahtijevaju psihoterapijsku podršku.

Dakle, kao odgovorne osobe na radu u ustanovama za odgoj maloljetnika, u svom radu očito nesavjesno postupila, pa zbog toga teško ugrozile zdravlje maloljetnika.

Čime je Delalić Azra počinila krivično djelo Nesavjestan rad u službi iz člana 387 stav 1 KZ FBiH, te **Delalić Azra, Hasić Dževida i Delić Asmira** kao saizvršioци počinile krivično djelo Sprečavanje i neizvršavanje mjera za zaštitu maloljetnika iz člana 224 stav 2 KZ FBiH u vezi sa članom 31 KZ FBiH.

PRIJEDLOG dokaza koje treba izvesti

- I** U svojstvu svjedoka ispitati:
- II** U svojstvu vještaka ispitati:

III Izvršiti uvid i/ili pročitati:

REZULTATI ISTRAGE

DOKAZI KOJI POTKREPLJUJU NAVODE OPTUŽNICE

KANTONALNI TUŽILAC